

LITES DE COMUN: Invit a lité incö domènia, ai 19/11, dales 7.00 ales 21.00.

Refodam da tosser: An pó le dé jö dan le magazin di stödafüch a San Martin en lönesc, ai 20 de novëmber, dales 09.00 ales 10.00.

PLOANIES DA SAN MARTIN Y LUNGIARÜ

Da sègn inant oressi pitè por cater sères na introduziun ala opera de San Jan, che é le cuarto vangele, les trèi lètres y l'Apocalissa (Revelaziun). Tröc contignüs dla fede se refej propi a chësc vangelist. Porchël sarál dër d'ütl da se dé jö plü avisa impara. Chi che tol pert dess se tó vigni lönesc cun ëi na bibla intiera (taliana o todëscia). I s'abinun le pröm iade en lönesc, ai 20 de novëmber, tla colonia da San Martin dales 20.00 ales 21.15.

le Ploan

Pro súa vijita pastoral a ó le vëscio Ivo Muser ince incunté dotes chères porsones che fej n sorvisc particular tles comunités dles ploanies. L'Unité Pastoral invieia porchël dër bel i rapresentanc/antes dles uniuns de dlijia y düc chi/ dotes chères che fej n sorvisc tla comunité (leturs, organisé, dirighënc, cianturs, moni y monies, ministri dla comuniun, chi che condüj liturgies dla parora y grups d'oraziun, catechisc che arjigna ca ala pröma comuniun y ala confermaziun, chi che arjigna la plata dla cöra, chi che informësc y romëna sò les dlijies, chi che laora tla caritas y tl volontariat y fej d'atri sorvisc) da gní en sabeda, ai 25 de novëmber dales 15.00 – 16.30 tla Ciasa Runcher a Badia.

En domènia, ai 26 de novëmber, dales 17.00, é döta la popolaziun dl'Unité Pastoral Val Badia inviada sò Oies ala funziun de conclujiun dla Vijita Pastoral dl Vëscio Ivo Muser tla Val Badia.

I diji bel dilan a chi che á daidé condüje demez i sac dla Caritas. Al n'é sté estremamënter püc che á daidé, porchël prëii bele sègn ch'al nen vëgnes n ater iade deplü a daidé.

le Ploan

SAN MARTIN

Al vëgn dit dër bel dilan a düc chi che á dé jö guant ala caritas, bel nèt y nia scarzé. An mëss baldi constaté che ti sac vëgnel tres ciamó metü patüc che n'é nia da dé jö ala Caritas sciöche cialzá dai schi y d'ater ciomënt. Ince tröc pers de cialzá ne vëgn nia ciolá adöm y insciö vái a perde y n'á plü degun valor.

L'Istitut Ladin invieia ala presentaziun dl liber nü "Les aventöres de Pinocchio - cuntia de n buratin" en dedolönesc, ai 21 de novëmber, dales 17:00 tl Istitut Ladin a S. Martin.

Presentaziun dl pice liber "Flus d'altonn" poesia de Lois Ellecosta y pitöra de Lois Rottonara en vëndres, 24 de novëmber, dales 16.00, tl Istitut Ladin a San Martin.

L'Aterteater invieia al teater por mituns da trëi agn insö "Die Engelphoniker" *por todësch* cun le duo de clowns Coco en dedemesaledema, ai 22 de novëmber, dales 16.00 a La Val tl salf dles manifestaziuns. Ara ne döra nia dî, ch'al é indö Nadé. Herbert y Mimi se conforta bele, deach' ai pó soné tl'orchestra di agnui, mo indere...les notes é sparides. Aiaiai! Ai mët man da chirí, madër ch'ai pordüjes!

Taxi Vico organisëia iadi ai marcià da nadé en sabeda, ai 25 de novëmber, a Salzburg y en dedolönesc, ai 28 de novëmber a Desproch. Por informaziuns y prenotaziuns: 335 61 16 528 mail: info@taxivico.it



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

19.11.17 – 26.11.17 nr. 52

termo da publiché: jöbia 20.00
radio: 90,40 / 93,70



33^a DOMÈNIA IA POR L'ANN A

Vangele: Matî 25,14-30

Gejü ti â cunté a sü discepui chësta parabola:
Cun le règn dl cil éra sciöche cun n ël che é jü a fà n iade:
Al à cherdé sü sorvidus y ti à afidé so avëi.
A un ti àl dè cin' talënc, a n ater dui, indö a n ater un,
a vignun do sües facoltës. Spo s'un él jü.
Atira à le sorvidù, che â ciafè cin' talënc,
metü man da trafiché impara y al n'â ciamò davagné cinch laprò.
Insciö n'â ince chël, che n'â ciafè dui, ciamò davagné dui laprò.
Mo chël, che â mâ ciafè n talënt su, é jü y à ciavé n büsc te tera
y à ascognü laite la monëda de so patrün.



Chël püre cosce!

Al é ausé da aldí chësta parabola di talënc
sciöche n amonimënt y n avertimënt.

Plëgn de pora de ne ti ester nia, él jü a ciavé ite sü talënc dër sot,
tan sot ch'al ne s'i ciafa nia plü.

Sc'al ess pö capí le dër significat dla parabola:
na detlaraziun d'amur:

„I t'adori, anfat tan de talënc che t'as.“

L'invit de Chël Bel Dî: „I t'adori!“ dá coraje y tol la tëma da ne ti ester nia.

	SAN MARTIN	LUNGIARÜ	33ª Domènia – Domènia di püri Dal ann iubilair dla Misericordia incà é la 33ª domènia dl ann liturgich: De mondial di Püri La fede cristiana baia de na meseria spirituala, chëra che Gejú detlarëia beata tla pordica söla munt, y de na meseria materiala, chëra de chi che vir te condiziuns dejumanes. La meseria spirituala á da fá cun umilté, che vëiga ite sües limitaziuns y che ne chir nia le fin dla vita ti scioldi, tla cariera y tl luxus. Porchël é chël, che é püre spiritualmënter, plütosc bun da daidé y da partí cun i püri. Le papa Francësch scrí: „Sc'i orun dé n contribut por mudé veramënter la storia y garantí n svilup, spo messunse aldí le scrai di püri y nes dé da fá da i trá fora dl'emarginaziun. Tl medemo tēmp ne podunse nos intësc nia perde la meserieia spirituala che le vangele nes insēgna y che alda pro la vita cristiana. “ Damanan concretamënter: Nos ch'i viun plütosc tla richëza en confrunt a tröpa d'atra jënt söla tera, portunse ince nos responsabilità por la meseria di püri? Al é na domanda che me fej sté ert y che ghira na resposta da mia maniera de vire.  Le De mondial di Püri toma en chësta ota adöm cun le dé de santa Elisabeta da Thüringen. Ara ti á orü bun ai püri do le dit de santa Tarejia da Calcutta „orëi bun cina ch'al fej me“. Y tla pröma lëtra de San Jan stál: I n'orun nia orëi bun cun parores y cun la lēnga, mo cun les opres y la verité (1 Jan 3,18).
19.11.17 33ª DOMÈNIA - ANN A Domènia dla Caritas Santa Elisabeta da Thüringen	9.00 Corona por les Animes 9.30 Gran Mëssa por la Comunità + Franz Conrater (dla Uniun) + Paul Trebo, Sauter Oferta por la Caritas	7.55 Corona por les Animes 8.15 Gran Mëssa por la Comunità en onur dl Beat J. Mayr-Nusser Oferta por la Caritas 11.00 Bato de Lorena Moling	
20.11.17 Lönesc Edmund, Ziprian	20.00 Cërtil dla Bibla tla calonia da San Martin por trames les ploanies	20.00 Cërtil dla Bibla tla calonia da San Martin por trames les ploanies	
21.11.17 Dedolönesc Santa Maria da Ierusalem	15.30 Mëssa a Picolin en onur de S. Tarina por fam. de Pepi y Rosamunde Videsott + + + Albert, Emma y Artur Conrater 19.30 Consëi de cöra		
22.11.17 Dedemesaledema Zezilia, Salvatur		19.30 Mëssa dl ann + Emma Rubatscher Pezzei + Ida Clara Verginer 20.00 Consëi de cöra	
23.11.17 Jöbia Clemens, Columban	7.30 Mëssa di scolar + Carlo Moling (dl ann) vis y def. de Ida Moling + Maria Sorà, Pespach Corona por vocaziuns		
24.11.17 Vëndres André Dung-Lac y Comp., Flora	18.30 Devoziun chîta 19.00 Adoraziun deboriada	7.30 Mëssa def. de Monica Costa por fam. de Pio Clara de rengraz.	
25.11.17 Sabeda Catarina d'Alessandria (Tarina)	15.30 Mëssa tla Ciasa de Palsa 18.30 Mëssa prefestia dl ann + Emma Conrater + Hannele Trebo dl Tasser + Moritz Castlunger	20.00 Mëssa prefestia por fam. de Angel Sorà por fam. de Nando Clara + Carlo Planatscher + + Ludmilla y Franz Costa	
26.11.17 34ª DOMÈNIA - ANN A FESTA DE CRIST RE	9.30 Gran Mëssa por la Comunità 18.00 Devoziun a Crist Re 17.00 Funziun de concluiun dla vijita pastoralala sô Oies cun dôta la popolaziun dl'Unité Pastoralala Val Badia	7.55 Corona 8.15 Gran Mëssa por la Comunità 17.00 Funziun de concluiun dla vijita pastoralala sô Oies cun dôta la popolaziun dl'Unité Pastoralala Val Badia	